


Рамазон табриги



12:38 / 10 март 9099

Азиз юртдошлар, муҳтарам мўмин-мусулмонлар! Барчангизни кириб келган муборак Рамазон ойи билан чин дилдан, самимий муборакбод этамиз!

Аллоҳ таоло Исломнинг беш арконидан бири бўлмиш рўза ибодати учун хослаган бу ойни иймон-эътиқод билан, хулуси ният билан, ажру савоблардан умидвор бўлган ҳолда ўтказишни, бу ойда қилинган солих амаллар учун ваъда қилинган беҳисоб улуғ мукофотларга ноил бўлишни барчамизга насиб айласин!

Ушбу ойда ота-оналаримизга, аҳли аёлларимизга, фарзандларимизга гўзал исломий муносабатда бўлишимиз, қавм-қариндошлар, қўни-қўшниларга яхшилик қилишимиз, муҳтоjlарга баҳолиқудрат хайр-саҳоват кўrsatiшимиз ҳар қачонгидан кўра улуғроқ ибодат ҳисобланади. Шу билан бирга, оиласда эркагу аёлларимизнинг ҳақларини адо этишимиз, катталарга ҳурмат, кичикларга иззатда бўлишимиз, бир сўз билан айтганда, намунали мусулмон бўлишимиз, фарзандларимизни, келажак авлодни муносиб тарбиялаш йўлида қилинган буюк хизмат бўлади, иншааллоҳ.

Азизлар, бу онларни ғанимат билайлик, тоат-ибодатни кучайтирайлик,

охират захирасини қўлга киритайлик! Ҳар бир ибодатимиз асносида қилиб ўтган хатолару гуноҳларимиз учун Аллоҳ таолога астайдил тавба қилайлик, сидқидилдан дуо қилиб, юртимизга, бутун дунёга тинчлик-хотиржамлик тилайлик!

Аллоҳ таоло Рамазони шарифнинг баракотидан барча bemorlarغا шифои комил берсин, барча эҳтиёжмандларнинг дардига малҳам бўлсин, duolаримизни ижобат қilsин, сўраганимиздан афзалини берсин!

Аллоҳ таоло бу муборак ойни юртимиз учун, бутун дунё мусулмонлари учун тинчлик-хотиржамлик, тоат-ибодат, тақво ойи, Қуръон ойи қilsин, иймон ҳаловатини, ибодат лаззатини насиб этсин!

Рамазон ойи барчамизга муборак бўлсин!

Islom.uz портали жамоаси